

عزة النفس

ينجرح قلب.. لكن ترتفع هامه
والله امي لاموت ولا انحني راسي
لو رماني زماني وسط..دوامه
العواصف شديده .. والجبل راسي
أنقل الحزن وامشي منتصب قامه
قاسي الوقت .. لكني بعد قاسي
واسمع الحلم يصرخ لحظه اعدامه
رابط الجاش ... ماهز الخبر باسي
عزتي غاليه ..والناس سوامه
قلت ما بيع حتى تقطع انفاسي

زانت ايام عمري .. شانت ايامه
مارجيت العزى من رحمة الناسي
من عجز لا يدوس الهم باقدامه
لازم انه مع الايام ينداسي
يندمل جرح القلب ..ماتت احلامه
بس ما اظن يبرى جرح الاحساس
يوم صارت مابين القلب والهامه
وش ابي بالحياة اليا انحني راسي

مساعد الرشيدية

كبرياء فرعون

الوفى خصمج وكرهج له باين بالصدور
تعشقين الغدر وقلبج ماوفي بقلب(ن) حزين
لاهيته بالغدر وأيدج بس تطعن بالضهور
ومدري شنهو تستفيده لا بغيتي تطعنين
جايده دورج ولكن ماتصيديني بدور
انا لامني عشقت غصب انتي تعشقين
والغدر الي تبينه ما أظن عندي يدور
لني أملك من وصوف(ن) صعبه انج تملكين
صبر أيوب وخداع أبلis جعله مايثور
وقوة الفارس صلاح الدين الي له ندين

كبرياء فرعون وحنكة حزموت والغرور
يشبه غرور المدمر هتتر الي تعرفين
وبالطغاة مثل صدام العراقي ما أشور
أتوكل وأفعل الي شافته عين(ن) وعين
أفهمي قصدي وعقلج لا يجي عندي يخور
ماهو انتي يافلانه من قدر فيني يهين
حاولو قبلج اوادم دمهم دايم يثور
ومقدر بللي تبينه جان قصدج ماتبين
سعد علوش

